

ԱՐԱՐԱՏՅԱՆ ԴԱՇՏԱՎԱՅՐԻ Մ. Թ. Ա. VIII—VII ԴԴ. ՀՈՒՇԱՐՁԱՆՆԵՐԻՑ
ԳՏՆՎԱԾ ԿԱՐԱՍՆԵՐԸ

Հ. Դ. ԱՎԵՏԻՍՅԱՆ

Արարատյան դաշտավայրում և նրան հարող նախալեռնային շրջաններում պեղվել և ուսումնասիրվել են վանի թագավորության (Բիայնական) բազմաթիվ ամրոցներ, բնակավայրեր՝ էրեբունի, Արգիշտիիսիլի, Քեյշերաի, Օշական, Արաղած և այլն, որտեղ (մասնաւորապէս) և առանձին կացարաններում՝ հսկայական քանակութեամբ տու նյութերի հետ հայտնաբերվել են 1000-ից ավելի ամրոցական և բնկորային ձևով կարասներ։ Այդ անոթները կարևոր նշանակություն ունեն վանի թագավորության խեցեգործության և տնտեսական կուլտուրայի համար։ Այս նյութերի զգալի մասը առանձին հուշարձանների հաշվետվություններում կամ ընդհանուր մենագրություններում հրատարակվել է Բ. Բ. Պիոտրովսկու¹, Հ. Ա. Մարտիրոսյանի², Ս. Ա. Ծսայանի³, Ս. Ի. Խոշաշի⁴ և այլ մասնագետների կողմից։ Սակայն առկա դրանց նվիրված ամրոցական հետազոտություն չի կատարվել։

Ներկայացնենք Արարատյան դաշտավայրի հնավայրերից գտնված նյութն՝ առանձնաշնչով կարասների ձևաբանական տիպաբանությունը։

Այս անոթներն ունեն իրանի տարբեր ձևեր (ուռուցիկ, ձգված, կլորավուն և այլն) և շափեր (0,5 մ—2,3 մ բարձրություն)։ Ըստ կիրառական նշանակության, դրանք բաժանվում են երեք խմբի՝ խոշոր (1,5 մ և բարձր), միջին (0,7—1,5 մ), փոքր (0,5—0,7 մ)⁵, որոնցից յուրաքանչյուրն օգտագործվել է տարբեր նպատակների համար։ Որպես տիպը բնորոշող հատկանիշ կարելի է հիմք ընդունել իրանի և ուսի կառուցվածքային ձևերը, իսկ մնացածը՝ վիզ, շուրթ, հատակամերձ հատված՝ որպես առանձին տարբերակներ։ Երեք խմբերին պատկանող կարասները բաժանվում են 5 տիպի⁶։

Առաջին տիպ— Ուռուցիկ իրանով կարասներ, 11 օրինակ. գտնված՝ Կարմիր Բլուրից (աղ. 1, նկ. 1, 9, 10), I խումբ (աղ. 2, նկ. 8, 9), II խումբ, Օշականից (աղ. 1, նկ. 2), I խումբ, Արգիշտիիսիլիից (աղ. 1, նկ. 5, 6), II խումբ (աղ. 2, նկ. 12), III խումբ (աղ.

¹ Б. Б. Пиотровский, История и культура Урарту, Ереван, 1944, նույնի՝ Кармир-блур 1, Ереван, 1950, Кармир-блур II, Ереван, 1952, Кармир-блур III, Ереван, 1955, նույնի՝ Ванское царство, М., 1959, նույնի՝ Искусство Урарту, Л., 1962.

² А. А. Мартиросян, Город Тейшебакини, Ереван, 1961, նույնի՝ Армения в эпоху бронзы и раннего железа, Ереван, 1964, նույնի՝ Аргистихинили, Ереван, 1974.

³ Ս. Ա. Ծսայան, Կատալոգ Երևանի քաղաքի պատմության թանգարանի հնագիտական իրերի, Երևան, 1964, նույնի՝ Կատալոգ IX, Երևան, 1967, Կատալոգ III, Երևան, 1972, նույնի՝ Ереван, археологический очерк, Ереван, 1969, նույնի՝ Կարմիր Բլուր Երևան, 1983.

⁴ С. И. Ходжаш, Н. С. Труханова, К. Л. Оганесян, Эребуни, М., 1979.


⁵ Արևմտյան Հայաստանից և Պարսկահայքից հայտնաբերված նման կարասները դասակարգվել է Մ. Կերակ (Keramik Urartaischer festungen in Iran, Berlin, 1976), իսկ հայալիդերի նյութերը՝ С. А. Burney, A first season of excavations of the Urartian citadel of Kayalidere („Anatolian Studies“, vol. 16, 1966, p. 55—113).

⁶ Տիպերի նկարագրության ժամանակ չենք տալիս անոթների բացարձակ չափերը, քանի որ ուղեկցվող աղյուսակներում դրանք ներկայացված են համապատասխան մասշտաբներով։

⁷ Կրկնությունից խուսափելու համար կարասների խմբերը նշում ենք լատինական թվերով։ Բնեկող տիպերում հանդիպող տարբերակների կարասներից մի քանի օրինակներ իրենց մի հատկանիշով կրկնում են նույն և մյուս տիպերի տարբերակների անոթները, իսկ մյուսով որոշակիորեն տարբերվում են միմյանցից։

2, նկ. 1, 3), III խումբ: Այս տիպի մեջ ընդգրկված անոթները ստորաբաժանվում են երեք տարրերակների:

1. Կարասներ, որոնք ունեն կարճ վիզ՝ զանգվածեղ ուղիղ դրված, հարթ կտրված շուրթ (աղ. 1, նկ. 1, 2, 5, 6, 9, 10), սահուն դեպի անոթի հատակը նեղացող հատակամերձ հատված:




2. Նույնատիպ կարասներ, շուրթը՝ կլորացող, դեպի դուրս ճկված (աղ. 2, նկ. 8, 9, 12, աղ. 3, նկ. 1, 3):

3. Բարձր վզով կարասներ՝ զանգվածեղ հարթ շուրթով (աղ. 1, նկ. 6):

Երկրորդ տիպը — Ձգված իրանով կարասներ, 19 օրինակ, հայտնի՝ Կարմիր բլուրից (աղ. 1, նկ. 3, 7), I խումբ (աղ. 2, նկ. 2—4, 7), II խումբ, Էրեբունիից (աղ. 1, նկ. 4), I խումբ (աղ. 2, նկ. 1), II խումբ, Օշականից (աղ. 1, նկ. 8), I խումբ, Արդիշտիխիից (աղ. 2,


8 Բիայնական բլուր կարասներն ունեն հարթ հատակ, և նրանց քննությունը որպես առանձին տարրերակ, անիմաստ է:

նկ. 6, 11, 13—16), II խումբ (աղ. 3, նկ. 2, 4, 5, 10), III խումբ, որոնք ստորաբաժանվում են չորս տարբերակների:



1. Կարճ վզով, ուղիղ դրված հարթ շուրթով, ուսումն նեղացող հատակամերձ հատվածով անոթներ (աղ. 1, նկ. 4, 7, 8, աղ. 2, նկ. 5): Այս տարբերակը մոտենում է առաջին տիպի մեջ ընդգրկված կարասների առաջին տարբերակին:

2. Նույնատիպ կարասներ, որոնց շուրթը ի տարբերություն առաջինի կտրացող է, քիչ դուրս ճկված (ադ. 2, նկ. 2—4, 6, 7, 11—16, ադ. 3, նկ. 2, 4, 10), շուրթը կրկնում է առաջին տիպի երկրորդ տարբերակի անոթների ձևերը:



3. Երկար վզով, կտրացող, դուրս ճկված կամ հարթ կտրված շուրթով կարասներ (ադ. 2, նկ. 1, ադ. 1, նկ. 3): Շուրթի կառուցվածքով նման են երկրորդ և առաջին տարբերակի կարասներին, իսկ վզի բարձրությամբ նույնանում են առաջին տիպի երրորդ տարբերակի հետ:

4. Կարմիր բլուրից հայտնաբերված կարասը (աղ. 1, նկ. 3) ունի կտրուկ նեղացող հատվածներ՝ հատված:

Երրորդ տիպ — Գնդաձև իրանով կարասներ: 4 օրինակ, հայտնաբերվել են Կարմիր բլուրից (աղ. 2, նկ. 5, 10), II խումբ (աղ. 3, նկ. 8, 11), III խումբ, ունեն բավականին կարճ վիզ, բերանի նեղ բացվածք, կլորավուն զնայի զուրս ճկված շուրթ, հարթ փոքրիկ հատակ, Շուրթի կառուցվածքով կրկնում են առաջին և Լրկրորդ տիպերի երկրորդ տարբերակներին անոթները:

Չորրորդ տիպ — Ներկայացված է մեկ անոթով, Կարմիր բլուրից, ունի կլորավուն իրան, կտրուկ լայնացող, փողայալանուկ բարձր վիզ, կլորացող, զուրս ճկված շուրթ, բերանի լայն բացվածք, հարթ հատակ (աղ. 3, նկ. 9), III խումբ:

Հինգերորդ տիպ — Կարաս՝ գտնված Արդիշտիխինիլից: Կարճ իրան, երկարավուն, վերին մասում լայնացող վիզ, կլորացող զուրս ճկված շուրթ, հարթ, լայն հատակ (աղ. 3, նկ. 7), III խումբ: Զարգամոտիվները բավականին հարուստ են և բազմազան:

Խոշոր (I խմբի) կարասների զարգամոտիվների դասակարգումը կատարվել է ելնելով տարբեր խորագիր տարրերի հաջորդականությունից և դիրքից՝ առանձնացնելով հետևյալ տարրերը. միաշարք, խորագիր, եռանկյունաձև նախշազարդ, կլորացող զազաթներով, ուղղված զնայի վեր (էրեբունի, աղ. 1, նկ. 4, Կարմիր բլուր, աղ. 1, նկ. 10, Արագած), նմանատիպ երկշարք, եռանկյունաձև նախշազարդ կլորացող անկյուններով՝ ուղղված վեր (Կարմիր բլուր, աղ. 1, նկ. 7, Օշական, աղ. 1, նկ. 2), երկշարք, եռանկյունաձև նախշազարդ, սրածալր զազաթներով ուղղված զնայի վեր (Կարմիր բլուր, աղ. 1, նկ. 1, 7): Հորիզոնական դասավորված, երկշարք ուղղանկյան տեսքով նախշազարդ, ներքևից ավարտվող միաշարք եռանկյուններով՝ սուր զազաթներով ուղղված զնայի անոթի հատակը (Արդիշտիխինիլի, աղ. 1, նկ. 11), նույնատիպ եռաշարք, ուղղանկյան տեսքով, վերևից ավարտվող միաշարք եռանկյուններով, կլորացող զազաթներով՝ ուղղված զնայի վեր (Կարմիր բլուր, աղ. 1, նկ. 3):

Բացի վերոհիշյալից այս խոշոր կարասների զարգամոտիվների համակարգում, որպես կանոն, հանդիպում են միաշարք, երկշարք ուռուցիկ, ներճկված, երկրաչափական և բուսական էլեմենտներ, որոնք հիմնականում տեղադրված են շուրթի տակ և իրանի վրա: Դրանք հարդարված են թեք գծերով, սևրմանախշով, ժապավենաձև, ալիքաձևախշ: Նման հորինվածքով զարդարված կարասներ հայտնի են Կարմիր բլուրից, Էրեբունիից, Արդիշտիխինիլից, Օշականից⁹, Արագածից (աղ. 1, նկ. 1—10):

Կարասների երկրորդ խումբը հիմնականում զուրկ է հարուստ զարգամոտիվներից, չնայած մի քանիսի վրա հանդիպում են առանձին նախշազարդ տարրեր: Այսպես՝ Արին բերդից տնված կարասներից մեկը վզի տակ ունի Լրկր ունի Լրկր ունի Լրկր՝ երկուսը զարդարված օղակաձև ենտալին նախշերով, իսկ մնացածը իրենց վրա ունեն սեպաձև նշաններ (աղ. 2, նկ. 1): Հետաքրքիր են Կարմիր բլուրից հայտնաբերված սև փայլեցված անոթները, որոնցից առաջինը իրանին ունի երեք հավասարաչափ իրարից հեռացող զուգահեռ ունի Լրկր գոտի (աղ. 2, նկ. 10), իսկ երկրորդը՝ նույնատիպ չորս գոտի (աղ. 2, նկ. 5), ընդ որում վերջինիս վզի տակ արված է դարձվող օձի ծնփաքանդակ: Նման կարասի բեկորներ պահվում են Վանի թանգարանում¹⁰:

Երրորդ խմբի անոթների զգալի մասը զարդանախշ չունի, չնայած առանձին կարասներ աչքի են ընկնում հարուստ հարդարումով: Այստեղ առանձնանում է Կարմիր բլուրի Ձ 16 սենյակից հայտնաբերված անոթը¹¹ (աղ. 3, նկ. 9), իրանի վերին մասում կա 3 ցլազուխ ծնփաքանդակ, որոնք ձևավորված են բավականին նուրբ դիմալին մանրամասներով՝ փոքրիկ զուրկ, կլորավուն աչքեր, սրացող եղջյուրներ: Կարասի ուսի ուռուցիկ զոտին ներկված է սև, շագանակագույն, դեղնավուն օղակներով, որոնք միմյանցից անշատված են զույգ ուղղահայաց գծիկներով: Այսպիսի ցլազուխ քանդակազարդ անոթներ հայտնաբերվել են Երևանի բիսյանական դամբարանից, ինչպես նաև՝ Արևմտյան Հայաստանի հնավայրերից՝ Ալթըն-թեփե, Արծկե, որոնցից մի քանի նմուշներ՝ պահվում են Վանի թանգարանում¹²:

⁹ С. А. Есаян, Об урартских дворцовых комплексах Ошакана (Культурное наследие Востока, Л., 1985, с. 112—113).

¹⁰ T. C. Kültür ve Turizm Bakanlığı Anadolu Medeniyetleri, İstanbul, 1983, sah. 289, A-777.

¹¹ Б. Б. Пнотровский, Кармир-блур 1, с. 56, 70, рис. 43.

¹² T. C. Kültür ... sah. 289, A-776, 777.

Կենդանիների քանդակազարդ պատկերներ հանդիպում են նաև մետաղական առարկաների վրա, ինչպիսին է օրինակ վանի շրջանից գտնված բրոնզե կացինը: Բիայնական կարասները, որոնք զարդարված են ծեփաքանդակ պատկերներով, իրենց բովանդակությամբ շատ մոտ են ավելի վաղ ժամանակաշրջանի խեթական ոճին բնորոշ օրինակներին՝ հայտնաբերված Բողաղբյուրից, Ալիշարից¹³, Այս խմբի մեջ ընդգրկված անոթներից ալքի են ընկնում Քեյշեբախի պեղումներից գտնված 2 զնդաձև կարասներ, որոնք ունեն սև փայլեցված մակերես: Առաջինի (աղ. 3, նկ. 8) իրանի կենտրոնով անցնող ուռուցիկ հորիզոնական լայն գոտին անոթը բաժանում է երկու մասի: Մյուսն ունի ավելի հարուստ հարդարանք (աղ. 3, նկ. 11): Անոթի վերնամասը զարդարում են 12 եռանկյունիներ՝ սուր ծայրերով ուղղված ներքև, որոնց մեջ լցված է կարճ կետազծերով արված ալիքաձևախշ: Դրանք սուր ծայրերով հպվում են կարասի կենտրոնամասով անցնող նույն ուռուցիկ հորիզոնական գոտուն: Նման երկշարք եռանկյունիներ՝ սուր ծայրերով ուղղված վերև, զարդարում են Արգիշտիխիիից գտնված անոթի իրանը (աղ. 3, նկ. 7): Ի տարբերություն Կարմիր բլուրից հայտնաբերված օրինակի, այս եռանկյունիները լցված են փոքր սեպերով, իսկ անոթն ունի ընդհանուր անգործապատ մակերես: Արգիշտիխիիից գտնված մեկ այլ անոթի¹⁴ վերին մասում կա կրկնակի դաշվածք, որի վրա նշմարելի է թուռնի և օձի պայքարի պատկեր՝ շրջապատված բուսական ալիքաձևախշով (աղ. 3, նկ. 6):

Արարատյան դաշտավայրի հուշարձաններից հայտնաբերված բիայնական կարասների զարդամոտիվները լին սահմանափակվում վերահիշյալով: Բազմաքանակ բեկորներ իրենց վրա կրում են ամենատարբեր բովանդակությամբ պատկերներ, որոնց մի մասն արված է թրծումից հետո: Դրանցից կարելի է առանձնացնել Արգիշտիխիիից գտնված, որի վրա գծագրված է յլացող մարտակառք՝ իր մանրամասներով¹⁵, նման պատկերներ կան Արծկի (Ադիլ-չեզգի) պեղումներից հայտնաբերված բարձրաքանդակներում¹⁶: Պարզունակ կենդանակերպ զարդանախշով կարասների բեկորներ են գտնվել էրեբունիի պեղումներից¹⁷, Դրանցից մեկի վրա խաչագծված է վազող ձի՝ ձգված իրանով, փարթամ պոչով¹⁸, նման՝ Արգիշտիխիիի օրինակին: Մյուս անոթների վրա արված են թռչնի պատրաստված քարայծի¹⁹, երկսապատ ուղտի, թռչունի պատկերներ: Այդ հավաքածուի մեջ առանձնանում է խոշոր կարասի մի բեկոր²⁰, որի վրա խաղաղարված է ճտքավոր կռչիկ, Կարմիր բլուրից²¹, վանի թագավորության կենտրոնական և հարավային շրջաններից՝ Հասանլու Զիվիե²², գտնվել են կռչիկաձև անոթներ, որոնց մի մասը պահվում է Քեհրանի թանգարանում: Էրեբունիի խալդի տաճարի որմնակարի բեկորներից մեկի վրա պատկերված է մարտիկների ռազմերթը²³, որտեղ առանձնանում է ճտքավոր կռչիկ հազած զինվորը՝ իր զենք ու զրահով: Նմանատիպ անոթներն ունեցել են տարածքային և ժամանակագրական լայն սահմաններ՝ տարբեր հուշարձաններից (Հաշեհ, Դավիթ Բեկ, Լցեն, Նախիշևան և այլն)²⁴:

Վանի թագավորության շինարարական, կառուցողական արհեստի, շենքերի, ճարտարապետական ձևերի, հատակազմերի վերաբերյալ կարևոր աղբյուր են նաև կիրառական արվեստի

¹³ Б. Б. Пиотровский, История и культура Урарту, с. 242—243.

¹⁴ А. А. Мартиросян, Печати мастеров на сосудах из Аргиштихинили (Древний Восток и мировая культура, М., 1981, с. 80, рис. 60).

¹⁵ А. А. Мартиросян, Аргиштихинили, с. 100, рис. 36 (6).

¹⁶ В. Ögün, Excavations at Kef Kalese of Adilcevaz (Anadolı) Anatolia (IX, Ankara, 1965, d. 1:—28, mat. XIX).

¹⁷ Մ. Իսրայելյան, էրեբունի բերդ-ամրոցի պատմությունը, Երևան, 1971, էջ 72, А. А. Демьянская, Кладовые Эребуни, М., 1968, с. 187, рис. 5.

¹⁸ Մ. Իսրայելյան, նշվ. աշխ., էջ 73.

¹⁹ С. Гущев, Крыша над древним городом («Техника молодежи», 1967, № 11, с. 29).

²⁰ Инвентарный фонд музея Эребуни 23/21.

²¹ Б. Б. Пиотровский, Кармир-блур (альбом), Л., 1970, рис. 69, 70.

²² G. Azarpay, The Urartian boot-shaped vessels («Artibus Asiae»), N. York, 1964, vol. 27, №1/2, p. 61—71, ill. 34).

²³ Կ. Լ. Հովհաննիսյան, էրեբունիի որմնակարները, Երևան 1973, նկ. 50.

²⁴ С. А. Есаян, Древняя культура племен северо-восточной Армении, Ереван, 1976, с. 204.

բազմաթիվ գտածոները Այսպես՝ էրեքունից գտնված կարասի մի բեկորի վրա խազագծված է ուղղանկյուն շենք²⁵, որն ունի աշտարակներ, բարձր մուտք, նման պատկերներ կան նաև մետաղե տարբեր առարկաների վրա, ինչպես օրինակ Թոփրակ-կալեից հայտնաբերված բրոնզե թիթեղը²⁶:

Քննվող կարասները ունեցել են բազմաբնույթ կիրառական նշանակություն. ընդ որում տարբեր խմբերի առանձին օրինակներ կարող էին կատարել միևնույն ֆունկցիան, եռոտր կարասները տնտեսական լայն կիրառություն են ունեցել՝ հիմնականում օգտագործվելով գինի, հացահատիկ, բուսական յուղ պահելու համար: Ամբարները, ինչպես և մառաններում պահվող կարասները, խիստ հսկողության տակ էին: Դրանք պարտադիր կնքվում էին: Կարասների տարողությունները շատ անգամ վերստուգվում, վերահաշվառվում էին: Դրանց վրա դրվում էր նոր չափի միավոր՝ համառոտագրերով կամ էլ ամբողջական բառերով²⁷: Հայտնի է, որ Բիայնական պետությունում գոյություն ունեին չափի միավոր՝ ակարկին և տերուսին (240—250 լ, 20—25 լ)²⁸, Շոմարան-մառաններում պահվող մթերքը ծառայում էր ոչ միայն ամրոցի բնակիչներին, ներքին և արտաքին առևտրի, այլև բանակի, կայազորի համար:

Միաժամանակ Կարմիր բլուրի Մարտագուռ ուրարտացու ընկալարանի պեղումները ապացուցում են, որ այդ կարասները ծառայել են ինքնուրույն տնտեսություն ունեցող վերնախավի կարիքները բավարարելու համար: Այս անոթները օգտագործվել են նաև երկրագործական և անասնապահական մթերքների վերամշակման աշխատանքներում:

Կարմիր բլուրի միջնաբերդի երկրորդ հարկում գտնվել է առանց տանիքի մի այլ մեծ մառան (սենյակ № 50), որը ըստ Լ. Մ. Ջանփուլայանի կառուցվել է միջնաբերդի բարձրագույն, արևից լավ տաքացվող և փողոց պահպանված վայրում, գինեգործության համար²⁹, Հայտնաբերվել է նաև խոշոր արհեստանոց-ձեթհան՝ քունջութի ձեթ ստանալու համար, որի հատիկները գտնվել են սենյակներում պահվող կարասների մեջ³⁰:

Երկրագործական մթերքների վերամշակումը Թեյշեբախինում չի սահմանափակվում նշվածով: Այստեղ զարեշուր պատրաստելու արհեստանոցներում հայտնաբերվել են բազմաթիվ անոթներ, քարե տաշտեր՝ պատրաստի արտադրանքի, զարու և կորեկի համար³¹: Երկրագործականին հետ մեկտեղ այստեղ վերամշակվել են նաև անասնապահական մթերքների տարբեր տեսակներ: Հետաքրքիր են պանրագործական արհեստանոցի պեղումները³², ուր գտնվել են միջին չափի մի քանի տասնյակ կարասներ: Դա վկայում է պետական խոշոր տնտեսության առկայության մասին: Այդ անոթների մի մասը ծառայել է. որպես թաղման կարասներ, որոնք աճյունասափորների նման ունեն անցքեր՝ արված անոթի թրծումից հետո: Մասնավորապես այդպիսի կարասներ հայտնաբերվել են Արգիշտիխինիլի³³ պեղումներից, որոնք նույնությամբ ձեռնարկում են մառաններում և կացարաններում հայտնաբերվածներին:

Բիայնական խոշոր ու միջին կարասների մի զգալի մասը ի տարբերություն մյուսների, պատրաստվել է ձեռքի և գուրգի միջոցով, փոքրերը՝ միայն դուրգի: Սակայն այս խմբի մեջ հանդիպում են առանձին օրինակներ, որոնք պատրաստվել են ձեռքի միջոցով: Այդ եղանակների մասին հետաքրքիր հաշվարկներ է կատարել Լ. Ն. Բիլագովը³⁴, ըստ որի Հայաստանի խեցեգործական արտադրության մեջ, սկսած բրոնզեդարյան ժամանակաշրջանից, դուրգով պատրաստված անոթների քանակը հասնում է 70 %-ի, մնացածը կատարվել է ձեռքով: Այս տեսակետը կարելի է տարածել նաև Վանի թագավորության խեցանոթների վրա, որոնց դու-

²⁵ С. И. Ходжаш, Эребуни, с. 70.

²⁶ Б. Б. Пиотровский, Ванское царство, с. 204, рис. 57, ն ու յ ն ի՝ Искусство Урарту, рис. 56.

²⁷ Մ. Ա. Ի ս ր ա յ ն յ ա ն, նշվ. աշխ., էջ 82.

²⁸ Р. О. Варданян, Д. Г. Асатрян, Некоторые замечания по метрологии Урарту («Պատմա-բանասիրական հանգես», 1980, № 2, էջ 172—173).

²⁹ Б. Б. Пиотровский, Ванское царство, с. 146—147.

³⁰ նույն տեղում, էջ 137.

³¹ նույն տեղում, էջ 147.

³² Մ. Ա. Ի ս ա յ ա ն, Կատալոգ III, էջ 19—20.

³³ А. А. Мартиросян, Аргистихинили, с. 50—52.

³⁴ Л. Н. Биягов, Материальная культура долины реки Мармарик (эпохи поздней бронзы—раннего железа), автореферат канд. дис., Ереван, 1986, с. 16.

դահլոնները գտնվել են Կարմիր բլուրում: Ինչպես նշում է Ի. Պիոտրովսկին³⁵, այստեղի խեցանոթների մեջ հանդիպում են շատ մեծ քանակությամբ բարձրորակ անոթներ՝ պատրաստված դուրդի վրա և համեմատաբար սակավաթիվ օրինակներ՝ արված ձեռքով, որոնք պատկանում են նույն ժամանակաշրջանին:

Այսպիսով՝ Արարատյան դաշտավայրի հնավայրերից, ամրոց-բնակավայրերից հայտնաբերված Վանի թագավորության ժամանակաշրջանին պատկանող կարասների ուսումնասիրությունը հնարավորություն է ընձեռում այս անոթների երեք խմբերում առանձնացնելու ձևաբանական հինգ տիպ: Անոթներից, մասնավորապես առաջին խմբին պատկանողները, իրենց ձևերով, որքան մեղ հայտնի է, ամենավաղ օրինակներն են Հայաստանում: Ինչ վերաբերում է միջին և փոքր կարասներին, ապա դրանք Հայաստանում գտնվել են դեռևս մ. թ. ա. III հազարամյակով թվագրվող բաղամաթիվ հուշարձաններում:

Բոլոր բնվող կարասներն ունեն ձևական ընդհանուր հատկանիշներ, սկսած շուրթից մինչև հատակը՝ պատրաստումից մինչև անգործապատում, թրծում և օգտագործում: Այս ամենը չի խանգարում մատնանել այն կոնկրետ հատկանիշները, որոնցով կարասները տարբերում են միմյանցից: Դա առաջին հերթին անոթների իրանների կառուցվածքին է վերաբերում՝ ձգված, ուռուցիկ, գնդաձև, ապա՝ շուրթերի տարբեր շափերին ու ձևերին՝ ուղիղ, հարթ, կտրած, կլորացող գուրս ճկված և այլն: Նկատվող երևույթը, կարելի է բացատրել առանձին վարպետների, ինչպես և՛ միևնույն կենտրոնների տարբեր արհեստանոցների գոյությամբ, որի մասին վկայում են խոշոր կարասների վրա պահպանված վարպետների նշանները: Այդ նշանները հանդիպում են նաև այլ խմբերի կավանոթների վրա (քրեդաններ, թասեր, սափորներ և այլն): Իսկ ապացուցում է միևնույն արհեստանոցի և կավագործական տարբեր կենտրոնների՝ բաղամազան խեցանոթների արտագրելու հնարավորությունների մասին: Այսպես՝ վարպետների նշանագրերը՝ գտնված Կարմիր բլուրի պեղումներից, իրենց կրկնություններն ունեն Արարատյան դաշտավայրի բաղամաթիվ հուշարձանների խեցեղենի վրա (Արգիշտիխիլի, Էրեբունի, Պշականի, Արաղածի): Միևնույն ժամանակ այս անոթների լայն զուգահեռները հանդիպում են ոչ միայն Աղա երկրի, այլև ողջ Վանի թագավորության հանրահայտ հուշարձանների գտածոներում (Տուշպա, Հալկաբերդ, Բաստամ, Կալաիդեր, Ալթըն-թեփե):

КАРАСЫ, НАЙДЕННЫЕ ИЗ ПАМЯТНИКОВ АРАРАТСКОЙ ДОЛИНЫ VIII—VII вв. ДО Н. Э.

Г. Г. АВЕТИСЯН

Резюме

Среди изделий керамического производства, выявленных из памятников Арааратской долины—Эребуни, Аргиштихинили, Кармир блура, Ошакапа, Арагаца—есть множество крупных сосудов-карасов, которые морфологически делятся на пять типов, а типы—на несколько вариантов. Орнаментальные мотивы этих сосудов весьма своеобразны. Декоры оформлений имеют жгутовидные, треугольные, рельефные и вдавленные элементы, а также процарапанный орнамент. Эти карасы предназначены как для хранения земледельческих и скотоводческих продуктов, так и для их переработки. Иногда они использовались в качестве погребальных сосудов. Эти сосуды имеют свои аналогии в бибийских памятниках Западной Армении—Ване, Айкаберде, Патноце, Алтын тепе, Каялидере и других, датируемых VIII—VII вв. до н. э. Близость форм, а также повторение орнаментальных мотивов, совпадение знаков и клейма на них подтверждают, что они имели стандартное производство во всем Ванском царстве.

³⁵ Б. Б. Пиотровский, Ванское царство, с. 193.